



PARTORDING NI PARMINGGUON  
**DI MINGGU MISERICORDIASDOM**  
(Gok asi ni roha ni Jahowa do tano on)



DOHOT

PELANTIKAN PANITIA JUBELIUM 50 TAON

HKBP PULO MAS

Ev: PSALM 106:1-5

Ep: ULAON 3:12-19

**TOPIK:  
MANGOLU DIBAGASAN HOLONG NI DEBATA**



**MINGGU 18 APRIL 2021**

**HURIA KRISTEN BATAK PROTESTAN (HKBP)  
PULO MAS RESSORT PULO MAS  
JAKARTA TIMUR**

### 01. PAMUHA! :

U: Huria ni Tuhanta! Pajumpang ma hita muse di ari Minggu sadari on ima na margora Minggu Misericordias Domini na marlapatan: "Gok asi ni roha ni Jahowa do tano on" (Mazmur 33:5.b). laos di Minggu sadarion do patupahon Pelantihan Panitia Jubileum 50 taon HKBP Pulo Mas.

R: Gok asi ni roha ni Jahowa do tutu tano on ro di sandok ngolunta, manongtong do holong ni rohaNa di hita songon topik ni Minggu sadari : "Mangolu di bagasan holong ni Debata." Jala Ho ma ale Tuhan Debata mamasumasu sude Panitia Jubileum 50 taon HuriaM HKBP Pulo Mas, asa mangula nasida hombar tu lomo ni rohaM.

U: Alani i, tadok ma mauliate tu Jahowa, tapasangap ma lbana marende ma hita!

### 02. Marende BE.No. 581:1+3, "Sangap di Jahowa" BL. 581)

*Sangap di jahowa na sun timbul i, balga ni holongNa ndang tarasam i,  
Di lehon AnakNa na sasada i, manobus hita jolma pardosa i.*

*Puji ma Debata ale manisia! Las roham las roham somba ma Debata  
Dapothon Jahowa na sun timbul i, marhite AnakNa Tuhan Jesus i*

*---Musik --- (Jongjong)*

*Balga situtu pambaenMi Debata. Tung so hasahatan holong ni rohaM.*

*Tu jolma pardosa asi do rohaM. Di ungap Ho dalam lao tu banuaM.*

*Puji ma Debata .....*

### 03. VOTUM – INTROITUS – TANGIANG:

U : Marhitehite Goar ni Debata Ama dohot Goar ni AnakNa Tuhan Jesus Kristus dohot Goar ni Tondi Parbadia, na tumompa langit dohot tano on. Amen.

Gok asi ni roha ni Jahowa do tano on. Marhitehite Hata ni Jahowa do manjadi angka langit. Marolopolop ma hamu ale angka partigor, mangasahon Jahowa, talup do marende angka na unjur marroha.

Haleluya!

R : (Mangendehon): Haleluya, Haleluya, Haleluya!

U : Martangiang ma hita!

Ale Tuhan Jesus, Tuhannami! Na mandok mauliate do hami tu Ho, ala ditaluhon Ho do dosa dohot hamatean marhitehite hamamateM i, ala disondangi Ho tanomannami, asa marpanghirimon na mangolu hami ala ni haheheonMi. Nandang pola be mabiar hami mida hamatean, ai Ho do ulunami, ruasMu do hami. Dipaunsat Ho do hami sian haholomon tu hatiuron, sian hamatean tu hangoluan. Antong pargogoi ma hami mamuji dohot mangoloi Ho ariari, pasangaphon Ho di bagasan haporseaon na mangolu paima sahat hami tu lambungMu. Amen

**04. Marende BE No. 754: 3 “GOK LAS NI ROHA DO ” BL.754.**

Gok do holong ni Jesus di ngolungkon, di ngolungkon, Di ngolungkon.  
Gok do holong ni Jesus di ngolungkon, Tongtong di rohangkon. Mauliate gok las ni roha maringan holongMi Tuhan di au mauliate gok las ni roha Maringan holongMi Tuhan di au.

**05. PATIK:**

U: Tatangihon ma Patik ni Debata di Minggu Misericordias Domini sadari on, i ma patik VI dohot lapatanna: “Unang ho mamunu!” Dia do lapatan ni i? On do:

R: Ingkon dihabiari rohanta Debata jala ingkon holong rohanta di Ibana, asa unang hita olo mambahen sahit-sahit tu nasa na mangolu.

U: Ingkon roha pangoluhon do rohanta di nasa na mangolu. (*Antong rap mangido gogo ma hita sian Tuhan Debata!*).

R : Ale Tuhan Debata, sai pargogoi ma hami mangulahon na hombar tu PatikMi. Amen.

**06. Marende BE No 424:1-2, “SOARA NI TONDI” BL .**

Soara ni Tondi ni Tuhanta i jotjot dilaosi, ditulak ho i.

Sai Tanda jeamu, pauba roham, dapothon Tuhanmu, si sesa dosam.

.....*Jongjong*.....

Marunduk ni roha tapoti sude, pambaenanmu na torbang, jengkelmu sude, pasahat tu Jesus sandok dirimi.

Sai tong pasunggulhon pangkophopNa I

**07. MANOPOTI DOSA:**

U: Tatopoti ma dosanta na godang i tu adopan ni Debata, martangiang ma hita! Ale Amanami jala Debatanami na di banua ginjang, Pargogo na so hatudosan! Pardengganbasa do Ho jala ro di salelenglelengna do asi ni

rohaM. Sai marpamuati ma rohaM di hajahatonnami, jala sai unang be ingot angka dosanami;

R : Ai jotjot do hami mardosa maradophon Ho, jala jotjot do husungguli hami rimasMu marhite sian pangalaosionnami di hataM.

U : Ale Tuhan Jahowa, sai unang paingotingot pangalaosionnami, unang alang asi ni rohaM, sai urupi ma hami, Ho ale Tuhan Debata hatuaonnam, palua hami, jala sesa dosanami, ala ni AnakMu, Tuhan Jesus Kristus, Tuhannami. Amen.

R : ....martangiang na hohom....

(Song Leaders/musik di bagasan soara na angonangon mangendehon): 174 :  
3 "Torop dope na siat i" BL. 184.

U : Bagabaga ni Debata taringot tu hasesaan ni dosanta:

Parasi roha jala pardenggan basa do Jahowa, lambat tarrimas jala parasi roha godang. Nandang dibahen tu hita hombar tu angka dosanta, jala ndang dibaloshon tu hita hombar tu angka hajahatonta. Songon asi ni roha ni amaama mida angka anakna, asi ni roha ni Jahowa di angka na manghabiari Ibana. Hasangapon ma di Debata na di ginjang!

R : Amen. (Hundul)

08. Marende BE No. 435:1 "MAROLOPOLOP TONDINGKI" BL.

*Dihaol holongna rohangki, tung na so boi be mago i. MataNa do manatap au, pinggolNa tumangihon au. Sonang ni tingki i dung jumpang Jesus Tuhanki ! Tondi na manga ja ri au, tarbaen marlas Ni ro ha au ! Sonang ni tingki i, dung jumpang Jesus Tuhanki.*

09. EPISTEL :

U:Hata ni Debata turpuk Epistel di Minggu Misericordias Domini sadari on, ima na tarsurat di **Ulaon ni Apostel 3:12-19**. Alai marnida i si Petrus, ninna ma mandok natorop i: "Hamu, halak Israel, boasa longang rohamu mida on, boasa hami diberengi hamu, songon na hira gogonami sandiri manang hadaulatonnami mambahen mardalan halak on?"

R: Na dipasangap Debata ni si Abraham, si Isak dohot si Jakob, Debatani angka amanta i do Jesus naposona i, na pinasahat jala na sinoadahonmuna di jolo ni si Latus na mandok uhumna, paluaon Ibana nian.

U: Alai disoadahon hamu do na badia jala partigor i; dipangido hamu do, lehonon tu hamu pamunu i.

R: Alai dipusa hamu do partogi tu hangoluan. I ma dipahehe Debata sian na mate; hami do angka sitindangi ni i!

U: Asa ala ni haporseaon di goarNa do dipargogoi goarNa halak on na niida jala na tinandamuna, gabe dilehon haporseaon na sian Tuhan i do hahisaron tu ibana di jolomuna saluhutna.

R: Onpe, hamu ale angka dongan, huhilala, na hurang boto do hamu, umbahen na diulahon hamu i, songon i do nang angka sintuamuna.

U: Alai dipasaut Debata do disi na pinaboana hian marhitehite hata ni saluhutna panurirang, mandok: 'Sitaon na bernit do angka Kristusna.'

R: Antong, pauba jala paulak hamu ma rohamuna, asa tarsesa dosamuna.

U: I do sahatna. Martua do angka na tumangihon Hata ni Debata jala na umpeopsa. Amen.

## 10. Marende BE No. 678:1-2, "PAUBA ROHAM TU JAHOWA" BL. .

*Pauba roham tu Jahowa, Pauba roham tu Debata.*

*Pauba roham tu Jahowa, Pauba roham tu Debatam.*

-----jongjong-----

*Marhaposan ho tu Jahowa, Marhaposan ho tu Debatam,*

*Marhaposan ho tu Jahowa, Marhaposan ho tu Debatam.*

## 11. MANGHATINDANGHON HAPORSEAON:

U : Tahatindanghon ma haporseaonta i, songon na hinatindanghon na donganta sahaporseaon di sandok portibi on. Rap ma hita mandok:

R : Ahu Porsea..... (Hundul)

## 12. TINGTING

## 13. Marende BE No.755:1....., "HAPOSAN HO TUHAN" . (Pelean Ia, Ib)

*Haposan Ho Tuhan hot do holongMu Di las ni roha tingki arsak pe Asi ni rohaMi nang pambaenanMu Ho Sipalua pangondingan pe. Haposan Ho Tuhan haposan Ho Tuhan Nandang na mansohot asi ni rohaM Nasa na ringkot di au di parade Tung ala ni asiM do I sude.*

-----MUSIK-----

Logo ni ari nang rondo ni ari Nang tano laut bulan bintang I Sude  
tinompaMi manghatindangkon Denggan ni basaMi di hamimon.

Haposan Ho Tuhan .....

-----MUSIK-----

Di rade Ho do dame na manongtong Di togu Ho do au di dalanki Marlas  
ni roha au marpanghirimon Jala margogo ala basaMi

Haposan Ho Tuhan .....

**14. JAMITA: Psalmen 106:1-5**

**15. Marende BE No. 730:1..... "Sai patau ma au Tuhan" BL. 730**

**(Pelean II: Bantuan tu Nusa Tenggara Timur / Pusat)**

*Sai patau ma diringku ale Tuhan,*

*Papatarhon HinauliMi Tuhan,*

*Suru ma tondiMi saor tu rohangki,*

*Lao papatar HolongMu tu donganki.*

*Sai patau ma diringku ale Tuhan,*

*Papatarhon hinauliMi Tuhan,*

*Suruma TondiMi saor tu rohangki*

*Patariparhon basaM tu donganki.*

*.....Musik.....*

*Sai patau ma diringku ale Tuhan,*

*Papatarhon hinauliMi Tuhan,*

*Suru ma TondiMi saor tu rohangki,*

*Lao patandahon diriMu tu donganki*

*Sai patau ma diringku ale Tuhan*

*Papatarhon hinauliMi Tuhan,*

*Suru ma TondiMi saor tu rohangki*

*Baen ias hata dohot parangengki.*

**II. ACARA PELANTIKAN PANITIA JUBILEUM**

**1. Marende Sian BE. No. 121: 1 Jesus Raja ni uria**

**BL. 97**

Jesus Raja ni huria, na porsea na badia, pasupasu ma au on.

Sai sungguli ma rohangku, mangihuthon Ho Tuhanku.

Pargogoi ma au tongtong, pargogoi ma au tongtong.

**Pandita:** Huria ni Tuhanta, nuaeng sahat ma hita tu acara **Pelantikan Panitia Jubileum 50 taon HKBP Pulo Mas** Antong tabege ma jolo SK nasida.

·Manjaha SK Kepanitiaan dohot Goar Ni Angka Panitia. Dung dijaha, ro ma Ketua Umum, Ketua I Ketua II, Sekretaris I Sekretaris II, Bendahara dohot sude koordinator naung jinahahon ondeng tu jolo. *Jala sude anggota seksi jongjong ma di tempat dudukna be ( Marbaris ma nasida dilanggatan mangadop Pandita ) (manjaha SK. Sekretaris Huria : St. TDH Simatupang)*

**Pandita:** Namanungkun ma jolo tu hamu Amang, inang, Naposobulung naung tarpilit gabe Panitia Jubileum, na olo do hami lantikhon sadari on, gabe Panitia Jubileum 50 taon HKBP Pulo Mas.

**Panitia:** Na olo do ahu, sai dipatau Tuhan ima hami laho mangulahon ulaon kepanitian Jubileum 50 taon HKBP Pulo Mas

**Pandita:** *Huhut Masijalangan ( Ketua Panitia )* Di bagasan goar ni Debata Ama, dohot goar ni Tuhan Jesus Kristus dohot goar ni Tondi Parbadia; Ahu Pandita HKBP Ressort Pulo Mas, mangojakhon hamu sude “Panitia Jubileum 50 taon HKBP Pulo mas Ressort Pulo Mas”, jala paborhathon hamu tu ulaon paradehon Jubileum i, sian na mamungka sahat ro di na paujunghon Sai didongani jala dipargogoi Tuhan i ma hamu mangulahon ulaon naung pinasahat tu hamu sadari on. Amen.

**Panitia:** *Dipasupasu, di ramoti jala di pargogoi Tuhan i ma hami pasauthon saluhut na i , Amen*

· *(Sude Panitia naung di lantik Jongjong Mengadop tu Ruas)*

**Huria:** *Pargogoi jala patau ma sude Panitia Jubileum 50 taon HKBP Pulo Mas naung pinabangkitMi , nang hami sude ruasMu, Pauliulihon Bagas JoroMi. Amen*

Pdt. : Mandok Hata Sian Ketua Panitia

*( Dung Sidung mandok hata, mulak ma sude tu Panitia tu Bangku na be)*

### **3. Marende BE. No. 672: 1 Tung godang situtu**

*(Jongjong saluhutna)*

*Tung godang situtu ulaonmu antong, dipasahat Tuhanta tu ho. Ndang adong be tingkim marnalemba tahe, ngolumi baen tiruan tongtong Sai patupa ma i ala ni Tuhan i, so manghirim balosna tu ho. Debata do marnida na niulami, manang na adong parbue ni i.*

### **17. PARSURUON: .**

U: Mandok mauliate ma hita tu Jahowa, ai ro di saleleng ni lelengna do asi ni rohaNa tu hita.

R: **Tabaritahon jala tapatubegehon ma hagagoonNa i di bagasan ngolunta, ima tanda ni hamauliateon ni rohanta tu Ibana.**

U: Taradoti ma uhum dohot hatigoran na pinodahonNa i tu hita asa mardame sonang hita jala lam marmulia nang goarNa.

R: **Bahen pujipujian tu Debata ma nasa sangkap, hata dohot sandok ulaonta ganup ari.**

### **13. Tangiang Pelean dohot Pasupasu.**